



Na: Sindicato SEPPA
Raad van Commissaris Arubus N.V.
Mediador di Gobierno

Ons kenmerk: MTINO/SEPPA-004 MTINO/Arubus-007

16 December 2022

Topico: Posicion di Gobierno ref. manifesto trahadonan di Arubus N.V.

Apreciabel Dirigenten di Sindicato SEPPA,

Despues di dianan intensivo di dialogo y evaluacionnan entre dirigenten di Sindicato SEPPA, Raad di Commisario di Arubus N.V., Gerencia y mediator di Gobierno, mi ta participa e siguiente puntonan di consideracion y alabes e posicion di Gobierno di Aruba.

Considerando;

1. e situacion financiero di Arubus N.V. den cual cada paso tuma sin analisis debido lo significa empeoracion di gravedad financiero y existencia di e compania;
2. cu un analisis debido pa evalua futuro di Arubus N.V. ta rekeri tempo, espacio y tranquilidad.
3. cu e rapport di doorlichting di PWC, como un di e componentenan esencial pa indica e realidad di e situacion y pasonan cu lo mester wordo tuma, ta disponibel na fin di januari 2023;
4. e situacion actual ta resultado di un cantidad di aña di desicionnan y maneho cuestionabel, pa cual nos como Gobierno tambe mester por asumi su parti di responsabilidad;
5. cu Arubus N.V. ta encontra su mes na un crusada critico pa garantiza su existencia;
6. e importancia di Arubus pa continua duna servicio vital na comunidad di Aruba;
7. cu un negosacion di un contrato colectivo den momento di crisis di e embergadura aki, no ta prudente;
8. e tardansa pa ehecuta un aspecto specifico di e protocol di 12 di december 2019, cual ta indica un lumpsum di AFL 1500,-;
9. cu den cuadro di punto number 7, trahadonan a risibi AFL 750,- den e prome siman di december 2022.
10. e situacion di disgusto, welga y manifestacionnan di trahadonan;

11.ta hopi importante pa tanto Gobierno di Aruba, Gerencia di Arubus N.V., Dirigentenan di Sindicato, como tambe e trahadonan ta conciente di e situacion serio y conhuntamente den deliberacion y cooperacion atende cu e puntonan cu e meta pa rescata e compania.

Despues di dialogo cu Sindicato SEPPA y mediador, y den deliberacion cu Hunta di Comisario y Gerencia, Gobierno ta fiha e siguiente posicion:

Extende contrato laboral colectivo (CAO) vigente te cu december 31, 2023, conforme compensacion stipula den e protocol di 12 di december 2019 di AFL.1500,- cual suma lo ser paga den e prome kwartaal di 2023.


Ademas lo cumpli cu e lumpsum di AFL 1500,- pa tur trahado di Arubus N.V., den cuadro di consideracion number 8. Kitando e suma di AFL 750,- cu a wordo cancela 1 di december 2022, lo paga e suma restante di AFL 750,- no mas tarda cu 31 di december 2022.

Pa un analisis di e situacion profundo, e compromiso di tur partido involvi pa duna e espacio y tranquilidad pa por efectua esaki ta esencial. Por ultimo, na momento cu e rapport menciona na consideracion number 3, ta disponibel, esaki lo ser comparti cu Sindicato y dos siman despues di e momento aki, lo reuni pa hunto delibera riba e contenido y recomendacionnan.

Mi ta conta riba e cooperacion y comprension di parti di sindicato y trahadonan.

Sperando di por a informa debidamente, mi ta permanece.

Cordialmente,



Ursell Arends

Minister di Transporte, Integridad,
Naturalesa y Asuntonan di Adulto Mayor